



In mercui ai 21 de Novëmbër el gnü sughé le recupero (sburalda por nêi) dl ultima partida dl campionat 2012/2013 de 3° categoria por La Val. La partida é gnüda sugada te cîasa cuntra la squadra da Prettau, che é penultimi tlassifica.

Ince sce al é en pû frëit y le campo en pû da broja y dër lize el gnü mustrè dai sogadusc da La Val na gran partida, la miú partida in chësc ann. La Val á dominé la partida mustran en jüch bas, lascian viaggé le pal da üna na pert al atra. Zigü ince por i tifosi el ince stè na bela partida, cun deplü goi.

Bel da mëter man la partida é La Val che dominëia, beles aziuns danter i centrocampisc che fajô giré dër bun la pala da üna na fascia al atra. Prettau mëss man plü ti ciarè dô ala pala. Mo bel avisa canche La Val dominëia ti garetel en gol fora de nia a Prettau. Ai ciafa na ponizium fora dl area, le tiro röia te porta, mo al rimbalza dan le portier y le portier da La Val ne é nia plü asvelto asá da parè, deache la pala é rimbalzada scnel sön le campo lize. Le pal ti röia bel avisa dlungia le braç ite. En gol dër fortuné por Prettau.

Mo La Val ne se fesc nia a dinfora y süga inant súa partida. Insciö tomel le prüm gol por La Val. Al röia na bela pala a Stefan ite a mez. Cun en bel tiro püch fora dl area el bun da fá gol. La pala röia basa dlungia le palo ite, degüna chance por le portier da parè.

La Val á la partida tles mans insciö, Prettau süga ma plü cun lanci lunc sön so gran atacant (capitan) y pro da fá gol sön contropiede. Mo ince dô ia é i defensurs da La Val tres bel concentrá y ne ti lascia nia saurí ruvé a concluijuns. Beles aziuns vëigun ma dala pert de La Val, ai röia a deplü concluijuns, mo le bun portier da Prettau ne é nia surí da bater. Na punizium de Micky röia ince püch sura traversa fora, dan che le arbiter sciüra la fin dl prüm tēmp. Le

prüm tēmp se stlūsc jö sön le 1 a 1.

Ti secundo tēmp él la medema storia, da dominaziun dla squadra da La Val. Ivan ciafa na bela pala da Freddy, spo el bun da superé dui avversars y ti dé na pala d'or a Micky. Micky sön le fí dl fuorigioco se porta inant la pala y vá contra le portier. Cun en bel tiro bas dlungia le portier ia portel insciö in vantaje La Val.

Püch dedô él spo Florian che fesc so ultimo gol pro La Val, deache chësta é stada l'ultima partida por le atacant da La Val, tla squadra de só païsc. Ivan fesc en bel angolo de potēza y preziujiun sön le rigore. Florian se prejentëia puntual sön la pala y cun en bel sinistro interno mêtel la pala sön le secundo palo. Insciö se porta La Val sön le 3 a 1.

Dedô él ciamò Freddy che sfiorëia le 4 a 1. En bel tiro fora dl area rōia bel avisa sön le palo interno, na gran desfortūna por La Val.

Püch dan la fin dla partida vëgnel ciamò espluso Paolo por soma de amoniziuns. Sön le falo ciafa Prettau na bela posiziun por fá le tiro. Le tiro rōia bel avisa dlungia la bariera ia y spo te porta. Insciö se porta Prettau sön le 3 a 2. Ti recupero prô ciamò Prettau da fá le pareggio, mo i sogadusc da La Val fesc kämpfen cina ala fin y porta a cíasa insciö 3 puné de or.

La partida se stlūsc jö sön le 3 a 2 por La Val.

Cun chisc 3 puné davagná se porta La Val al 5° post adüm cun Lūsen.

□

La formaziun titolara: Kantioler Sepl, Valentin Elmar, Alton Alex, Vallazza Paolo, Castlunger Marco, Miribung Adrian, Sottara Freddy, Sottara Stefan, Tschaffert Ivan, Frenes Micky y Rubatscher Florian.

□

Sostituziuns:

Frenes Egon por Miribung Adrian

Valentin Lukas por Rubatscher Florian

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)